

## ს აქარ თვე ლო

ქალაქ ფოთის მუნიციპალიტეტის საკრებულო  
იურიდიულ, სამანდატო, საპროცედურო საკითხთა და ეთიკის კომისია

ოქმი N3

„25” მარტი, 2022 წელი.

სხდომას თავმჯდომარეობდა კომისიის თავმჯდომარე: ნიკა კორშია.

სხდომას ესწრებოდნენ: კომისიის წევრები- ოლეგი ნაჭებია, ნანა ვევუა, სალომე წულაია, თორნიკე კირთაძე, ირაკლი კიკალეიშვილი, ირაკლი ლაბარტყავა, მიხეილ ფირცხალავა, მარიამ უჩანეიშვილი, თამარ კაჭარავა, დარეჯან ცხვიტარია - ფრაქცია -ერთიანი ნაციონალური მოძრაობის თავმჯდომარე.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ქალაქ ფოთის მუნიციპალიტეტის საკრებულოს 2022 წლის 31 იანვრის №1/5 დადგენილებით დამტკიცებული რეგლამენტის 48-ე მუხლისა და ქალაქ ფოთის მუნიციპალიტეტის საკრებულოს თავმჯდომარის 2022 წლის 21 მარტის №843.43220802 ბრძანების შესაბამისად, კომისიის სხდომა ჩატარდა დისტანციურად სათანადო ელექტრონული საკომუნიკაციო საშუალების გამოყენებით.

მოისმინეს: ინფორმაცია, ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგის შესახებ.

დღის წესრიგი:

1. ქალაქ ფოთის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ მიერ წარმოდგენილი განკარგულების პროექტის „სახელმწიფო აუდიტის სამსახურის მიერ ფოთის მუნიციპალიტეტის 2019-2020 წლების საქმიანობის შესაბამისობის აუდიტის ანგარიშთან დაკავშირებით დროებითი სამუშაო ჯგუფის შექმნისა და პერსონალური შემადგენლობის დამტკიცების შესახებ“ თაობაზე.

მომხს: დარეჯან ცხვიტარია - ფრაქცია -ერთიანი ნაციონალური მოძრაობის თავმჯდომარე.

2. ქალაქ ფოთის მუნიციპალიტეტის მერის მიერ წარმოდგენილი დადგენილების პროექტის „ქალაქ ფოთის მუნიციპალიტეტის ტერიტორიაზე მწვანე ნარგავების დაცვის, მოვლისა და აღდგენის წესის დამტკიცების შესახებ“ ქალაქ ფოთის მუნიციპალიტეტის საკრებულოს 2016 წლის 27 ივლისის №13/26 დადგენილებაში ცვლილების შეტანის თაობაზე“ შესახებ.

მომხს: ნიკა კორშია - იურიდიულ, სამანდატო, საპროცედურო საკითხთა და ეთიკის კომისიის თავმჯდომარე/

დაადგინეს: დამტკიცდეს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგი წარმოდგენილი სახით.

კენჭისყრის შედეგები:

მომხრე-10 წინააღმდეგი-0

მოისმინეს:

ინფორმაცია, ქალაქ ფოთის მუნიციპალიტეტის საკრებულოს ფრაქცია „ერთიანი ნაციონალური მომრაობის“ მიერ წარმოდგენილი განკარგულების პროექტის „სახელმწიფო აუდიტის სამსახურის მიერ ფოთის მუნიციპალიტეტის 2019-2020 წლების საქმიანობის შესაბამისობის აუდიტის ანგარიშთან დაკავშირებით დროებითი სამუშაო ჯგუფის შექმნისა და პერსონალური შემადგენლობის დამტკიცების შესახებ“ თაობაზე.

აზრი გამოთქვეს კომისიის წევრებმა: დარეჯან ცხვიტარიამ, ნანა ვეკუამ, ნიკა კორშიამ.

კენჭი უყარეს წარმოდგენილი საკრებულოს განკარგულების პროექტის მხარდაჭერის საკითხს.

კენჭისყრის შედეგები:

მომხრე --4. (ირაკლი ლაბარტყავა, მიხეილ ფირცხალავა, მარიამ უჩანეიშვილი, თამარ კაჭარავა). წინააღმდეგი-6 (ნიკა კორშია, ოლეგი ნაჭყებია, ნანა ვეკუა, სალომე წულაია, თორნიკე კირთაძე, ირაკლი კიკალეიშვილი).

დაადგინეს:

1. კომისიამ მხარი არ დაუჭირა წარმოდგენილ საკრებულოს განკარგულების პროექტს.
2. საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის პირველი პუნქტის შესაბამისად, მუნიციპალიტეტის საკრებულოში საკითხების წინასწარი მომზადების, გადაწყვეტილებათა შესრულებისათვის ხელის შეწყობის, მერიის, მისი სტრუქტურული ერთეულებისა და მუნიციპალიტეტის მიერ დაფუძნებული იურიდიული პირების კონტროლის მიზნით იქმნება კომისიები.  
ამდენად, განკარგულების პროექტში დასმული საკითხები, შესაბამისი პირის წარდგინების შემთხვევაში, უნდა განიხილოს საკრებულოს სათანადო კომისიამ და დამატებით დროებითი სამუშაო ჯგუფის შექმნა არ არის მიზანშეწონილი.
3. საკრებულოს წარედგინოს კომისიის დასკვნა თანახმად დანართისა.

კენჭისყრის შედეგები:

მომხრე -6, წინააღმდეგი-4. (ირაკლი ლაბარტყავა, მიხეილ ფირცხალავა, მარიამ უჩანეიშვილი, თამარ კაჭარავა).

მოისმინეს:

ინფორმაცია, ქალაქ ფოთის მუნიციპალიტეტის მერის მიერ წარმოდგენილი დადგენილების პროექტის „ქალაქ ფოთის მუნიციპალიტეტის ტერიტორიაზე მწვანე ნარგავების დაცვის, მოვლისა და აღდგენის წესის დამტკიცების შესახებ“ ქალაქ ფოთის მუნიციპალიტეტის საკრებულოს 2016 წლის 27 ივლისის №13/26 დადგენილებაში ცვლილების შეტანის თაობაზე“ შესახებ.

დაადგინეს:

1. საკრებულოს დადგენილების პროექტის პრეამბულაში სიტყვები „ნორმატიული აქტების შესახებ“ საქართველოს კანონი“ უნდა შეიცვალოს სიტყვებით: „ნორმატიული აქტების შესახებ“ საქართველოს ორგანული კანონით“, ვინაიდან, საქართველოს კონსტიტუციური კანონის

„საქართველოს კონსტიტუციაში ცვლილების შეტანის შესახებ“ (მიღების თარიღი 13/10/2017 წელი), მე-2 მუხლის პირველი პუნქტის „ბ“ ქვეპუნქტის შესაბამისად, ორგანული კანონის სტატუსი მიენიჭა საქართველოს კანონს „ნორმატიული აქტების შესახებ“, შესაბამისად, დადგენილებაში გასასწორებელია ზემოხსენებული რედაქციული ხარვეზი. ამდენად, საკრებულოს დადგენილების პროექტის პრეამბულა უნდა ჩამოყალიბდეს შემდეგი რედაქციით: „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ ფოთის მუნიციპალიტეტის საკრებულო ადგენს.“

2. საკრებულოს დადგენილების პროექტის პირველი მუხლი გასამართია იურიდიული ტექნიკის თვალსაზრისით, კერძოდ: а) სიტყვები: „25-ე მუხლის მე-3 მუხლის მე-2 პუნქტი“ უნდა შეიცვალოს სიტყვებით „25-ე მუხლის მე-2 პუნქტი“, б) სიტყვები: „დადგენილების მე - III თავის“ უნდა შეიცვალოს სიტყვებით: „დადგენილების დანართი N1-ის III თავის“, გ) ვინაიდან, დადგენილების დანართი N1-ის 25-ე მუხლი ეხება კერძო საკუთრებაში არსებული მწვანე ნარგავებს და დადგენილების განმარტებითი ბარათის შესაბამისად, დადგენილების მიზანია კერძო საკუთრებაში არსებული მწვანე ნარგავების მოჭრა მოხდეს შესაბამისი სამსახურის ნებართვის გარეშე, მიზანშეწონილია დადგენილების დანართი N1-ის 25-ე მუხლის მე-2 პუნქტი ამოღებულ იქნას. ამდენად, დადგენილების პირველი მუხლი უნდა ჩამოყალიბდეს შემდეგი რედაქციით: „ მუხლი 1.  
„ქალაქ ფოთის მუნიციპალიტეტის ტერიტორიაზე მწვანე ნარგავების დაცვის, მოვლისა და აღდგენის წესის დამტკიცების შესახებ“ ქალაქ ფოთის მუნიციპალიტეტის საკრებულოს 2016 წლის 27 ივლისის N13/26 დადგენილებაში ([www.matsne.gov.ge](http://www.matsne.gov.ge) 01/08/2016, სარეგისტრაციო კოდი: 010250050.35.111.016312) შეტანილ იქნეს ცვლილება და დადგენილების დანართი N1-ის III თავის 25-ე მუხლის მე-2 პუნქტი ამოღებულ იქნას.“.
- ზემოხსენებულიდან გამომდინარე, „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ ფოთის მუნიციპალიტეტის საკრებულო უფლებამოსილია მიიღოს წარმოდგენილი დადგენილების პროექტი, ზემოხსენებული შენიშვნების გათვალისწინებით.

3. საკრებულოს წარედგინოს კომისიის დასკვნა თანახმად დანართისა.

კენჭისყრის შედეგები:

მომხრე -10, წინააღმდეგი-0.

იურიდიულ, სამანდატო, საპროცედურო საკითხთა და ეთიკის კომისიის  
თავმჯდომარე

ნიკა კორშია